

## **ARRASATE / Udal bibliotekak Biblioteka eguna ospatuko du urriaren 21etik 24ra**

**Aurten, lehenengoz ospatuko du egun hau udal bibliotekak. Haur zein helduentzat ipuin kontaketak antolatu dituzte herritarrak bibliotekara hurbiltzeko asmoarekin.**

Aurten, udal liburutegiak Biblioteka eguna ospatuko du urriaren 21etik 24ra. Estatuko hainbat herri eta liburutegietan ospatzen den jaia da hau, Amigos del Libro izeneko elkarteak urtero bultzatzen duena. Arrasatek lehenengo aldiz jarduera berezi batzuekin ospatu nahi du egun berezi hau eta horretarako, ipuin saioak antolatu dira heldu zein haurrentzat.

Urriaren 24an ospatzen da Biblioteka eguna, baina gurean lehenago emango diote hasiera egitarauari. Hala, urriaren 21ean, ipuin saioa izango da Santa Marina auzo bibliotekan 4, 5 eta 6 urteko haurrei zuzenduta. Urriaren 23an, ostera, *El guardián de los cuentos* ikuskizuna izango da Kultureteko Areto nagusian, arratsaldeko 18:00etan. La Tartana Teatro taldearen eskutik izango da emanaldia eta 6 urtetik aurrerako haurrei zuzenduta egongo da.

Bukatzeko, Bibliotekaren egunean, hilaren 24an, helduei zuzendutako ipuin saioa antolatu du udal bibliotekak. Kultureteko Areto nagusian izango da hau, arratsaldeko 19:00etan, eta Boni Ofogo (gaztelaniaz) eta Koldo Amestoy (euskaraz) izango dira kontalariak. Lehena, Manuel Iradier Elkarte Afrikanistarekin lankidetzan etorriko da gurera.